



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՔԼԽԱՎՈՐ ԴԱՏԱԽԱԶ

ՀՐԱՄԱՆ № 34

« 13 » 04 2018 թ.

ք. Երևան

ՀԱՄԱՋԳԵՍՏԻ ԵՎ ՏԱՐԲԵՐԱՆՉԱՆՆԵՐԻ ԿՐՄԱՆ ԿԱՐԳԸ
ՍԱՀՄԱՆԵԼՈՒ ՄԱՍԻՆ

Ելնելով Հայաստանի Հանրապետության դատախազության համակարգում դատախազների համազգեստի և տարբերանշանների կրման կարգը սահմանելու անհրաժեշտությունից, ղեկավարվելով «Դատախազության մասին» Հայաստանի Հանրապետության օրենքի 2-րդ հոդվածի 2-րդ մասով, 9-րդ հոդվածի 2-րդ մասի 7-րդ կետով, 30-րդ հոդվածի 1-ին և 3-րդ մասերով, 68-րդ հոդվածի 2-րդ մասով՝

Հ ր ա մ ա յ ու մ ե մ՝

1. Սահմանել դատախազների համազգեստի և տարբերանշանների կրման կարգը համաձայն հավելվածի (կցվում է):
2. Սույն հրամանի կատարման վերահսկողությունը վերցնում եմ ինձ վրա:
3. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին և ավագ դատախազներին, Հայաստանի Հանրապետության զինվորական կենտրոնական դատախազության բաժինների պետերին ու ավագ դատախազին, մարզերի, Երևան քաղաքի, Երևան քաղաքի վարչական շրջանների և կայազորների զինվորական դատախազներին, Հայաստանի Հանրապետության դատախազության գլխավոր քարտուղարին:

Ա. ԴԱՎԹՅԱՆ

Հավելված

Հայաստանի Հանրապետության
գլխավոր դատախազի
2018 թվականի ապրիլի 3-ի
թիվ «34» հրամանի

Կ Ա Ր Գ

ԴԱՏԱԽԱՋՆԵՐԻ ՀԱՄԱՉԳԵՍՏԻ ԵՎ ՏԱՐԲԵՐԱՆՇԱՆՆԵՐԻ ԿՐՄԱՆ

1. Սույն կարգով սահմանվում է դատախազների համազգեստի և տարբերանշանների կրման կարգը:
2. Դատախազը համազգեստը և տարբերանշանները կրում է սույն կարգով սահմանված կանոններին համապատասխան:
3. Դատախազը կրում է շնորհված դասային աստիճանին և պաշտոնին համապատասխանող համազգեստ և տարբերանշան:
4. Դատախազի համազգեստը և տարբերանշանը պետք է համապատասխանեն Հայաստանի Հանրապետության օրենսդրությամբ սահմանված ձևին ու նկարագրությանը և պահվեն անթերի վիճակում:
5. Ամենօրյա ամառային համազգեստը ներառում է.
 - 1) արական սեռի համար՝ կարճաթև վերնաշապիկ, տաբատ, գոտի, կոշիկ, գլխարկ հովաքով,
 - 2) իգական սեռի համար՝ կարճաթև վերնաշապիկ, կիսաշրջազգեստ, կոշիկ, գլխարկ կանացի (պիլոտկա):
6. Ամենօրյա ձմեռային համազգեստը ներառում է.
 - 1) արական սեռի համար՝ երկարաթև վերնաշապիկ, տաբատ, գոտի, կիսաճտքավոր կոշիկ, գլխարկ ականջակալներով, կիտել, փողկապ, փողկապի ամրակ, վերարկու ձմեռային, անձրևանոց, ձեռնոց, վզարկու,
 - 2) իգական սեռի համար՝ երկարաթև վերնաշապիկ, կիսաշրջազգեստ, կիսաճտքավոր կոշիկ, գլխարկ ականջակալներով, կիտել, փողկապ, վերարկու ձմեռային, անձրևանոց, ձեռնոց, վզարկու:
7. Տոնական համազգեստը ներառում է.
 - 1) արական սեռի համար՝ երկարաթև վերնաշապիկ, տոնական տաբատ, գոտի, կոշիկ, տոնական գլխարկ, տոնական կիտել, փողկապ, փողկապի ամրակ,
 - 2) իգական սեռի համար՝ երկարաթև վերնաշապիկ, տոնական կիսաշրջազգեստ, կոշիկ, տոնական գլխարկ, տոնական կիտել, փողկապ:

8. Պաշտոնական միջոցառումների, հանդիպումների, հիշատակի օրերի, ծառայողական պարտականությունները կատարելու, դատախազության կոլեգիայի նիստերին մասնակցելու, ատեստավորման ժամանակ դատախազները կրում են ամենօրյա համազգեստը, իսկ հատուկ միջոցառումներին՝ ամենօրյա համազգեստը կրում են Հայաստանի Հանրապետության գլխավոր դատախազի կարգադրությամբ: Տոնական օրերին, պարգևներ շնորհելու և երդման արարողակարգի ժամանակ դատախազները կրում են տոնական համազգեստ ու տարբերանշան:

9. Դատախազին արգելվում է՝

1) համազգեստը և տարբերանշանները կրել սահմանված ձևերին չհամապատասխանող ձևով,

2) համազգեստի վրա կրել Հայաստանի Հանրապետության օրենսդրությամբ չսահմանված նմուշի կրծքանշաններ, այլ տարբերանշաններ, քաղաքացիական հագուստի պարագաներ և այլ իրեր,

3) կրել համազգեստ քաղաքացիական հագուստի հետ համատեղ:

10. Դատախազները համազգեստը կարող են կրել առանց գլխարկի, ձեռնոցի, վզարկուի:

11. Հայաստանի Հանրապետության գլխավոր դատախազությունում, մարզերի, Երևան քաղաքի, Երևան քաղաքի վարչական շրջանների դատախազություններում պաշտոն զբաղեցնող դատախազների դասային աստիճանների տարբերանշանները տեղադրվում են (կարվում են) կիտելի, վերնաշապիկի աջ և ձախ օձիքների, համազգեստի օձիքների վրա, իսկ զինվորական դատախազների դասային աստիճանների տարբերանշանները տեղադրվում են (կարվում են) կիտելի, վերնաշապիկի աջ և ձախ ուսակարերի վրա (ուսադիրներ):

12. Համազգեստի առանձին մասերի կրելու առանձնահատկությունները հետևյալն են՝

1) գլխարկը, ձեռնոցները կրելու կարգը՝ ականջակալներով գլխարկը և հովարով/կանացի գլխարկը կրում են ուղիղ, առանց թեքելու, ընդ որում, հովարով/կանացի գլխարկի հովարը պետք է գտնվի հոնքերի մակարդակին, իսկ ականջակալներով գլխարկի ներքևի եզրը պետք է լինի 2-4 սմ հոնքերից վերև: Գլխարկը հանելիս այն պահվում է ձախ, ազատ թողնված ձեռքում՝ գլխարկանշանը դեպի առաջ դիրքով: Ձեռնոցները կրում են ձմեռային վերարկուի հետ,

2) կիտելը, վերարկուն, անձրևանոցը, վզարկուն կրելու կարգը՝ կիտելը կրում են բոլոր կոճակները կոճկված, գրպանների կափույրները դուրս հանված: Կիտելը կրում են բոլոր կոճակները դեպի աջ (կին ծառայողների համար՝ դեպի ձախ) կոճկված վիճակում: Վերարկուն կրում են բոլոր կոճակները կոճկված: Վերարկուի հետ կրում են մուգ կապույտ վզարկու՝ օձիքի տակից: Անձրևանոցն անձրևային եղանակին կրում են հագուստի պարագաների վրայից, բոլոր կոճակները կոճկված,

3) տաբատը (կիսաշրջագգեստ), վերնաշապիկը, փողկապը (արական սեռի համար՝ նաև փողկապի ամրակը) կրելու կարգը՝ տաբատը կրում են կոշիկների կամ կիսաճտքավոր

կոշիկների վրա բաց թողնված, պետք է ունենա երկայնակի արդուկած փոթ: Երկարաթև վերնաշապիկները կրում են բոլոր կոճակները կոճկած, փողկապով և փողկապի ամրակով, իսկ կարճաթև վերնաշապիկները՝ առանց փողկապի և փողկապի ամրակի, իսկ գինվորական դատախազները՝ ուսադիրներով: Երկարաթև վերնաշապիկի օձիքը հետևից պետք է լինի կիտելի օձիքի վերին ծայրին հավասար, կամ դրանից ոչ ավելի, քան 0.5 սմ բարձր: Արգելվում է կրել գունաթափված և չարդուկված վերնաշապիկ: Վերնաշապիկը պետք է լինի մաքուր, արդուկված: Վերնաշապիկը կոճկվում է դեպի աջ (կին ծառայողների համար՝ դեպի ձախ): Փողկապն ամրացվում է վերնաշապիկին: Պատրաստի տեսքն ավարտվում է ներքևում՝ սուր անկյունով, վերևում՝ հանգույցով: Արգելվում է կրել գունաթափված և կեղտոտված փողկապներ: Այն միշտ պետք է լինի մաքուր և կոկիկ վիճակում: Արգելվում է կրել գունաթափված և մաշված փողկապ: Փողկապը վերնաշապիկին ամրացվում է սահմանված նմուշի ամրակով՝ վերևից 3-րդ և 4-րդ կոճակների միջև,

4) կոշիկները և գոտին կրելու կարգը՝ կոշիկները պետք է լինեն մշտապես մաքուր վիճակում: Կիսաճուքավոր կոշիկները պետք է խնամքով քուղակապված լինեն: Կիսաճուքավոր կոշիկների ճոքերն իջեցնելը կամ ծալելն արգելվում է: Կիսագուլպաները պետք է լինեն սև կամ մուգ կապույտ: Գոտին կրում են այնպես, որ ճարմանդն առջևից գտնվի մեջտեղում: Արգելվում է կրել կեղտոտ, վնասված վերնամասով, մաշված կրունկներով կամ ոլորված սրնքակալներով կոշիկներ:

[Handwritten signature]